Bullinger an Hans Rudolf Bullinger.

(Zürich, Ende 1572 oder Anfg. 1573.) Zürich ZB, Ms F 37, 442b. / Orig.(Aut.) Der allmächtig gott verlihe dir, Susanne und den kindern vil tusend guter jar1; das wünsch ich und all min volck von gott uß gantzem hertzen. Gott mache unsern wunsch krefftig. Fürgeliepter sun, gester schreib ich dir grad vor der predig ein kleind zädily, hat sunst kein wyl. Jetzund hab ich ein wenig me wyl; dancken üch widerumb umb des güt jar und alles guts. Von dem tag zu Baden² wüß (doch behallt es dir und mach wenig daruß), das die 7 Ort ein scharppffen anzug gethan habend an die 4 Stett, das sy gar übel bedure, das man inen so übel truwe; sye schon ettwas in Fra[n]ckrych ergangen, syend doch sy deß sins nitt, wie ettlich geredt, wenn man sy ermürden wölte, wöltind sy zytlich gnug uff sin, grad alls ob sy ein schantlich ding imm sinn habind. So habe man taget zu Aarow, ußgenummen, gemusteret, wacheten gestellt, alls ob find vorhanden syend, gehandlet etc. Daruff die Stett geantwortet: es syend seltzame löuff, vil tröwens wider ein eydgnoschafft, dorumb sy sich nitt unbillich versähen. Sy habind doch ouch imm bruch, harnisch und weer zu besichtigen; sy tagind für und für zu Lucern. Worumb sy dann nitt ouch tagen mögind? Wachten syend gestellt von unruwiger lüthen wägen zu beiden teylen, das die nüt unfrüntlichs anhebind etc. Nach diser erlütherung, die noch mitt vil me worten beschähen, habend die 7 Ort den Stetten wyter fürgehallten: sy, die Stett, söllend inen trüwen alls redlichen eydgnossen, die an inen trüwlich hallten wöllind pündt und landtsfriden und inen nienan kein untrüw bewysen, und alls die Stett das trientisch concilium anzogen, daryn sy verwilliget und das man understadt zu exequieren etc. antwort: sy habind in das concilium verwilliget des gloubens und der leer halben, habind aber nitt verheyssen, das hälffen zů handthaben oder exequieren, und hättend ire botten da neißwas gewilliget, so habind sy deß kein empfelch etc. sy wöllind eerlich pundt und landtfriden hallten etc. Daruff die Stett sich entschlossen, das ouch sy glichs gägen inen syend gesinnet und wöllend ouch zu inen alls redliche eydgnossen lib, güt und blût hin zû setzen etc. In summa: es hat mir ein vertruwter in geheym gesagt, das er nun vil jar uff die eydgnössischen tag gesandt sye; nie aber sye er darby gesin, das man rüher an einandren gesin und einanderen fry 35 heruß gesagt, woran es gelägen, das es anfangs gar ein gefaar ansähen gehept. Hinwiderum, do man einanderen wol zerfiltzet und gar nüt geschonet, sye die sach so früntlich und gåt worden uff beiden syten, das er ouch nie darby gesin, da man früntlicher und gütiger gägen andern worden,

1572 began (La EA /a IV/2 505-507, Nr. 406), wie dies aus den unterem Teil des Briefes hervorgeht.

¹ Anfang eines Jahres, bzw. Anfang Januar 1573 (s. unten).

² Der Tag zu Baden, der am 7. Dezember